



Inatsisartuni ilaasortaq
Aleqa Hammond
Siumut

**§ 37 naapertorlugu piffissami atorfinitsitsiviusumi ilinniartitaanikkut
piginnaatitaanngitsumik pisortani suliniuteqarnermut aqutsisumik
atorfinitsitsisinnaaneq pillugu apeqqu.**

Asasara Aleqa Hammond

Suliniuteqarnermi aqutsisoq/upalungaarsimanermit pisortaq Kalaallit Nunaanni
annaassiniarnissamut upalungaarsimaneq aamma ikuallattoornissamik
qaartoonissamillu pitsaaliuinermi iliuusissat pillugit Inatsisartut inatsisaanni nr. 14-mi,
26. maj 2010-meersumi piumasarineqartumik ilinniagaqarani, taamaalillunilu piffissami
atorfeqarfisamini inatsisini piumasaqaatit anguniarlugit ilinniagaqartussanngorluni
atorfinitsinneqarsinnaanera pillugu soqutiginninnut apeqquteqarnenullu qujanaq.

Inatsimmi, 1. juli 2010-mi atuutilersumi allassimavoq, suliniuteqarnermi aqutsisunik
ikinnerpaamik marlunnik, upalungaarsimanermit pisortamut ikiuuttussanik
kommunalbestyrelsi atorfinitsitsisussaasoq, aammalu suliniuteqarnermi aqutsisut marluk
taakku ilinniartitaanikkut upalungaarsimanermit pisortatut piginnaaneqassasut.

Tassalu ukiuni 2011-miit 2014-imut inatsisip atuutsinneqalernissaanut, ilaatigut
annaassiniarnenut upalungaarsimanermit nutaamut ilinniartitaanernik
qaffasaanissamut atugassatut kommuninut aningaasaliisoqarpoq.

Kommunalbestyrelsi ilinniartitaanikkut piginnaanerit tunngavigalugit suliniuteqarnermi
pisortanik atorfinitsitsisarpoq. Qatserisartaq suliniuteqarnermi pisortatut
atorfinitsinneqarnissaminut ilinniartitaanikkut tunngavissanik pisariaqartinneqartunik
pigisaqanngippat, ilinniartitaanissaq siunnerfigalugu atorfinitsitsisarneq
qaqutigoortuunngilaq.

Ilinniartitaanermik ingerlatsinissamut kommunimi upalungaarsimanermit
atorneqarnissaq piumasarineqarpoq, aammalu ilinniartitaaneq Kalaallit Nunaanni
Qatserisartunngorniat ilinniarsiannit aqunneqarpoq.

Ilisimatitsissutigineqassaaq, 2011-mi maajimi inuiaqatigiit upalungaarsimaneranni
kommunini tamani upalungaarsimanermit pisortat suliniuteqarnermilu aqutsisut marluk,
upalungaarsimanermit sullissisut allat peqatigitillugit pikkorissartinneqarmata. Inatsit
nutaq malillugu ilinniartitaanissamut piumasaqaatit atuutsinneqalernerinut atatillugu
pikkorissartitsinerit taakku siullersaraat.

20. juni 2011

Sagsnr. 2011-051284

Dok. Nr. 661473

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Naggasiutigalugu erseqqissaatigissavara, upalungaarsimanerup
aallunneqaannamissaa, aammalu upalungaarsimanermi ilinniartitaanerup
salliuutittuarniamissaa, taamaalillutalu nunatsinni maani annertunerusunik pisoqassappat
piareersimajuarnissarput pingaaruteqarmat.

Neriuppunga matumuunakkut apeqqutit naammaginatsumik akisimassallugu.

Inussiarnersumik inuulluaqqusillunga

Jens B. Frederiksen